

六十種曲

繡刻演劇十本

第六套



白兔

殺狗

曇花

龍膏

飛丸

東郭

節俠

雙珠

四賢

牡丹

六十種曲 (第十一冊)

白兔記 殺狗記 曇花記

龍膏記 飛丸記

毛 晉 編

*

文學古籍刊行社出版

(北京市書刊出版業營業許可證出字第〇五九號)

北京東四頭條胡同四號

京華印書館上海廠印刷

新華書店發行

*

書號：(35)

開本 31''×43'' 1/32 印張20 $\frac{1}{4}$ 插頁 2

一九五五年六月北京第一版

一九五五年六月上海第一次印刷

印數0001—2100

定價(7) 2.26 元

目錄

- | | |
|------|----|
| 第一齣 | 開宗 |
| 第二齣 | 訪友 |
| 第三齣 | 報社 |
| 第四齣 | 祭賽 |
| 第五齣 | 留莊 |
| 第六齣 | 牧牛 |
| 第七齣 | 成婚 |
| 第八齣 | 遊春 |
| 第九齣 | 保釐 |
| 第十齣 | 逼書 |
| 第十一齣 | 說計 |

第十二齣 看瓜

第十三齣 分別

第十四齣 途嘆

第十五齣 投軍

第十六齣 強逼

第十七齣 巡更

第十八齣 拷問

第十九齣 挨磨

第二十齣 分娩

第二十一齣 岳贅

第二十二齣 送子

第二十三齣 求乳

第二十四齣 見兒

第二十五齣 寇反

第二十六齣 討賊

第二十七齣 凱回

第二十八齣 汲水

第二十九齣 受封

第三十齣 訴獵

第三十一齣 憶母

第三十二齣 私會

第三十三齣 團圓

白兔記 目錄

白兔記

明無名氏箸

第一齣 開宗

〔滿庭芳〕〔末上〕五代殘唐。漢劉知遠。生時紫霧紅光。李家莊上。招贅做東牀。二舅不容完聚。生巧計拆散鴛行。三娘受苦。產下咬臍郎。知遠投軍。卒發跡到邊疆。得遇繡英岳氏。願配與鸞凰。一十六歲。咬臍生長。因出獵。識認親娘。知遠加官進職。九州安撫。衣錦還鄉。

第二齣 訪友

〔絳都春引〕〔生上〕年乖運蹇。枉有沖天氣宇。最苦堂堂七尺軀。受無限嗟吁。似餓虎巖前睡也。困龍失卻明珠。結交須結英與豪。莫結區區兒女曹。正所謂也。自家姓劉名暉。字智遠。本貫徐州沛縣沙陀村人氏。自幼父親早喪。隨母改嫁。把繼父潑天家業。盡皆花費。被繼父逐出在外。日間在賭坊中搜求貫百。夜宿馬鳴王廟安身。這苦怨天不得。恨自己難言。正是時

運苦淹留。何須去強求。百花逢驟雨。萬木怕深秋。怒氣推山岳。英雄貫斗牛。一朝時運至。談笑覓封侯。那堪正值隆冬天氣。積雪堆瓊。江上漁翁。兩兩披簑拽棹。人間過客。個個失路迷蹤。你看好大雪。
〔絳都春〕彤雲佈密。見四野盡是銀妝玉砌。迸玉篩珠。迸玉篩珠。只見柳絮梨
花在空中舞。長安酒價增高貴。見漁父披簑歸去。〔合〕鼻中但聞得梅花香。要
見並沒覓處。

〔前腔〕〔小生上〕堪觀。青山頓老。見過往行人失路迷蹤。下幕垂簾。下幕垂簾。酌
酒羊羔歌白苧。紅爐獸炭人完聚。怎知道街頭貧苦。〔合前〕晚來風雪滿乾坤。四野人
家盡掩門。暗想劉兄在何處。許多心事向誰論。正是相識滿天下。知心能幾人。自家當初結義十個
弟兄。各自投東往西去了。止剩弟兄三人。大哥劉智遠。二哥郭彥威。自家史弘肇。大哥流落天街。我
已懷揣貫百。不免尋訪他。買三杯五盞。與他敵寒。有何不可。呀。遠觀不審。近覷分明。有個漢子。呆立
在彼。上前看來。〔見介生〕兄弟何來。〔小生〕小弟見天氣寒冷。特來尋兄。欲買三杯五盞。與兄敵寒。
〔生〕兄弟。我好恨也。〔小生〕敢是恨小弟來遲。〔生〕那個恨你。

〔皂羅袍〕自恨一身無奈。論奔波勞役。受盡迍災。通文會武兩魑魍。目今怎得將來買。〔合〕朝無依倚。怎生佈擺。夜無衾蓋。怎生擺劃。日長夜永愁無奈。

〔前腔〕〔小生〕勸你寬心寧耐。論韓信乞食。漂母堪哀。忽朝一日運通泰。男兒志氣終須在。〔合〕那時腰金衣紫。日轉九階。一朝榮貴。名揚四海。那時節駟馬高車載。哥哥。小弟見天氣嚴寒。懷揣貫百。欲買三杯五盞。與兄煖寒。但哥哥能飲。小弟頗酌。買酒喫不醉。買飯喫不飽。哥哥且到寒家去。有濁醪與哥哥盡醉方歸。〔生〕如此多謝。只一件。多時不到宅上。恐怕嫂嫂見外。不當穩便。〔小生〕哥哥說那裏話。〔生〕如此多感。〔小生〕穿長街。過短巷。這裏便是。哥哥少待。等我叫出拙妻出來。〔叫介丑上〕隔腦隔腦。〔小生〕混堂裏洗澡。這不是隔腦。快來快來。〔丑〕來了來了。

〔十棒鼓〕奴奴生得如花貌。言語又波俏。丈夫叫做廿一郎。奴奴喚做三七嫂。方纔房中補衣補襖。〔小生〕大嫂快來。〔丑〕忽聽老公叫。慌忙便來到。那個一個兩個。三四五六七八九十來個。〔小生〕眼見虛花了。〔丑〕蜜蜂見我臉上花斑斑的。在我臉上採花。〔小

〔生〕那些個賽過西施。〔丑〕那個在此。〔小生〕是汝劉伯伯。〔丑〕今日也劉伯伯。明日也劉伯伯。怎麼不見劉老娘。〔小生〕淺水攤頭。余下一個坐婆來。這不是劉老娘。〔丑〕來得快。我要一個老娘劉。〔小生〕韓信乞食于漂母。這不是老娘劉。〔丑〕我如今又要一個老娘劉不劉。〔小生〕哎。渾不過三哥哥且請坐。〔丑〕劉伯伯。多時不見。喫得這般臉兒紅丟丟的。好像個老猴孫屁股。〔小生〕不要取笑。〔丑〕不囉。我說劉伯伯指日封侯。〔小生〕且住。前日做下的濁醪有麼。〔丑〕甚麼叫做濁醪。〔小生〕清酒叫香醪。白酒叫濁醪。〔丑〕原來如此。只是天寒如此大風大雪。我請東村頭張媽媽。西村頭李媽媽。他一鍾。我一鍾。盡數都喫沒了。〔小生〕咳。怎麼好。我請劉伯伯到家。你與我妝個面皮纔好。〔丑〕不然。我前日洗裹脚。剩得些乾麵在此。我打些合鍋素麵喫後。飲酒如何。〔小生〕如此甚好。你快打來。〔丑下小生〕哥哥請坐了。〔丑上〕麵在此。

〔梧葉兒〕〔生〕智遠多蒙恩顧。感蒙愛憐。得魚後怎忘筌。待等春雷動。管取來報賢。〔合〕這嚴寒喫一碗合鍋素麵。

〔前腔〕〔小生〕一碗家常飯。何須苦掛牽。略且止饑寒。有日春雷動。管取朝帝

輦〔合前〕

〔前腔〕〔丑〕寧可添一斗。怎禁一口添。全不管家筵。每日要柴和米。醬醋油共鹽。〔合前〕

〔生〕相識如同親眷。

〔小生〕朝朝每日厮見。

〔丑〕劉伯少坐片時。

喫一碗合鍋素麵。

第三齣 報社

〔三台令〕〔外上〕歌聲百里喧傳。喜膝下兒孫滿前。晚景樂豐年。蕪明香答謝蒼天。自樂村莊得自由。地爐煨芋度春秋。但願子孫榮秀日。何須談笑覓封侯。老夫李文奎。世居沙陀村住居。祖遺下田產。春種秋收。雖無千鍾之粟。頗有桑麻之樂。自家所生子女三人。長子洪一。次子洪信。次女三娘。且喜一門和氣。外無牽掛。今日這般天氣。瑞雪飄飄。梅花綻蕊。正宜賞翫。院子請太婆。叫春兒請三娘。一同出來賞翫。

〔前腔〕〔老旦上〕桑麻粗守田園。喜膝下兒孫滿前。〔旦上〕竹籬茅舍。前村雪裏。

問道野梅開未。〔丑上〕待春兒折取一枝。惟有暗香撲鼻。〔相見介外〕你看幾樹老寒

梅。冷淡不嫌溪畔靜。精神偏向雪中開。〔老旦〕飛雪徘徊。頃刻妝成銀世界。須臾變作玉樓臺。〔旦〕

月色更奇哉。惟有暗香來。〔外〕今日天寒大雪。梅花正開。請你同女孩兒出來。一同賞翫。〔老旦〕孩

兒將酒過來。〔旦〕酒在此。

〔鶯啼序〕〔外〕隨車縞帶逐亂飛。攬銀海生輝。覩前村草舍茅簷。盡是玉筍低垂。賀來年時豐歲稔。喜今歲先呈祥瑞。〔合〕雪晴時。梅梢上淡月。三白總相宜。〔前腔〕〔老旦〕馮夷特地助威。掃雲散天霽。向雲衢推出銀蟾。萬里光瑩如洗。姑射與嫦娥鬪美。問梅道那些個爲最。〔合前〕

〔前腔〕〔旦〕詩人先自品題。勝玉骨冰肌。雪光映月色交輝。一點暗香撲鼻。月照梅在奴紗牕上弄影。向雪裏精神越美。〔合前〕

〔前腔〕〔丑〕撒鹽未是比宜。不若柳絮風吹。看長空素魄團圓。並無一點塵翳。看梅花香清韻美。比三姐嬌容無二。〔合前淨領衆上〕

〔入賺〕特來咨啓。馬鳴王顯聖多靈異。照舊規。今冬社主伊家裏。〔外〕莫躊躇。非干老漢相推避。只爲農事冗。不來報我應失計。〔老旦〕自當留意。可辦下福禮三牲。銀瓶注酒斟醪醴。〔旦〕花數枝。年年獻上香和紙。小心傳示。小心傳示。〔衆〕老員外拜揖。今年社主是老員外爲頭。特來報知。〔外〕咳。果然是我。你們不來報知。我幾乎忘記了。今年社會。可勝似上年麼。〔淨〕今年齊整。跳鬼判的。踹蹺的。做百戲的。不能盡述。我們演與太公看。

〔插花三台令〕〔衆舞〕打和鼓。喬妝三教。舞獅豹。間着大旗。小二哥敲鑼擊鼓。使牛兒簫笛亂吹。浪猪娘先呈百戲。駟馬勒妝神跳鬼。牛筋引鼠哥一隊。忙行走。竹馬似飛。〔舞下外老旦旦〕

〔尾聲〕答還心願皆如意。果然是人歡神喜。祭賽鳴王。平安過四時。

〔外〕福禮三牲要志誠。

〔老旦〕祭賽鳴王果是靈。

〔旦〕凡事勸人休碌碌。

〔衆〕舉頭三尺有神明。

第四齣 祭賽

〔淨扮道士上〕官清公吏瘦。神靈廟祝肥。鄉閭來朝賀。社戶保災非。自家馬鳴王廟中提典是也。今年會首。卻是前村李大公承賽。昨日已去報知。今日擺下香案。待我請神則個。〔念介〕奉請東方五千五百五十五個大金剛。都是銅頭銅腦銅牙銅齒銅將軍。都到廟裏喫福雞嚼福雞。天尊。〔內介〕道人。不見下降。自古東方不養西方養。奉請西方五千五百五十五個大金剛。都是鐵頭鐵腦鐵牙鐵齒鐵將軍。都到廟裏喫福雞嚼福雞。天尊。〔內介〕爲何又不來。道人。我家養家神道在那裏。〔內介〕請他出來。〔馬鳴王鬼判上介〕神道自古敬如父母。使如奴僕。今年會首。乃前村李文奎。他家極志誠。若還討筊。要聖筊。便是聖筊。不可三疑四惑。若還不聽我說。我教你不要慌。暫辭神道去。迎取會首來。〔生上〕

〔金焦葉〕奈何奈何。恨蒼天把人耽誤。自恨時乖運苦。怎禁這般折挫。朦朧暗啞。家家富。智慧聰明卻受貧。年月日時該分定。算來由命不由人。我劉智遠身上無衣。口中無食。受這般狼狽。風雪又大。無處趕趁。不免到馬鳴王廟中去躲避則個。

〔一江風〕凍雲垂。凜凜朔風起。刮體難存濟。自思之枉有一旦英雄。到此成何濟。身寒肚又饑。身寒肚又饑。愁煩訴與誰。空教我滴盡英雄淚。此間已是廟前。進得門來。你看東廊下風又大。西廊下雪又緊。且往正殿上去。呀。且喜大開在此。不免把平昔心事。訴與鳴王知道。

〔前腔〕告神祇。神聖聽咨啓。可憐三日無糧米。淚偷垂。只得撮土爲香。拜告天和地。神聖。別人賭錢。十賭九贏。偏我智遠呵。蒲牌買快時。蒲牌買快時。十番九遍輸。望神聖與我空中庇。呀。你看旌旛隊。鼓樂喧天。想是賽會的來了。不免躲在供桌底下。取些福禮充飢。有何不可。正是一日不識羞。三日不忍餓。〔躲介外老旦上〕

〔疎影急〕祥光影裏。見宮殿盡是金裝玉砌。〔旦〕寶閣珠樓。瑠璃鴛瓦。侵雲起。〔末丑〕金釘朱戶。光耀日。兩廊下塑猊獐小鬼。〔合〕巧裝成神像多靈異。威嚴相貌世間無比。〔外〕阿婆。你看好一座殿宇。前面山如岳岱。後邊水繞連天。香烟不絕噴龍涎。願保人間康健。〔老旦〕只見耀日山門華麗。兩廊畫壁神仙。〔旦〕御書牌額字新鮮。勅賜鳴王寶殿。

〔外〕果是好一座殿宇。叫當直的請廟官出來。

〔小引〕〔淨上〕廟官來。廟官來。打點香爐蠟燭臺。但辦志誠心。何勞神不靈。但辦志誠意。何勞神不至。〔末〕我員外在這裏。上前相見。〔淨〕老員外稽首。〔外〕廟官少禮。〔末〕

見了大婆。〔淨〕三錢一隻。〔末〕怎的說。〔淨〕大鵝。〔末〕不是。是大婆。〔淨〕噯。大婆稽首。〔末〕見了三娘。〔淨〕五錢一隻。〔末〕怎的說。〔淨〕你說是山羊。〔末〕不是。是三小娘。〔淨〕噯。就是前年在此燒香。

扒在欄干上。幾乎跌在水裏去的。至如今這等長成了。稽首。〔丑〕還有我在此。〔淨〕叫道。人快把十王殿門關了。〔丑〕怎麼說。〔淨〕我見你這鬼婆婆都走出來了。〔丑〕啐。你這醜鬼。〔淨〕我倒是個妙

人。〔外〕休得胡說。快請神道。〔淨通誠介〕水也水也。井水三擔。河水三擔。〔末〕減省些。〔淨〕減省兩擔半。〔外〕院子過來。一是誤。二是故。這廟官不致誠。請張廟官出來。〔末照前與淨說介〕淨實不相

瞞。早上喫幾杯早酒。一時唐突太公。自今以後。誠誠致致。致致誠誠。停一會香金錢與老哥兩個八刀。〔末〕那個要你的。菓兒與我幾個便了。〔淨〕菓子小事。〔末照前與外說介〕這也罷。只要志誠便了。〔淨指末介〕老員外。此是何人。〔外〕是我掌家的。〔淨〕何爲掌家。〔外〕我諸事都託他。〔淨〕不